



Naalackersuisut Siulittaasuannut apeqqutit:

**Inuit nammineq pisuussutigalugu nappaataat suuppat?
Inuillu pineqartut qanoq annertutigisumik akiliisinneqartalissasut takorloorneqarpa?**

Inatsisartut Suleriaasianni § 36, imm.1 naapertorlugu Naalackersuisunut apeqqutit imaattut matumuuna saqqummiuppakka:

1. Inuit nammineq pisuussutigalugu nappaataat suuppat?
 - a) tupatortarnerup kingunerisaanik kræfteqalersarnerit, allamilluunniit pualluuteqarlernerit pineqarpat?
 - b) Aqqusinikkut biilnik angalatilluni ajoqusernerit pineqarpat (soorlu niuminik napiroornerit, allatigulluunniit ajoquserujussuarnerit pineqarpat)?
 - c) Timersornertiluni ajoqusernerit pineqarpat (soorlu sisorartiluni napinerit, arsamik arsarluni ajoqusernerit pineqarpat)?
 - d) Ukiorpassuarni imigassamik atornerluisuusimanertik pissutigalugu assignngitsunik nappaateqalersartut nappaataat pineqarpat?
 - e) Nappaatit atoqatigiinnikkut tunillaassuuttartut pineqarpat?
2. Inuit nammineq pisuussutigalugu napparsimalersimasut katsorsartinnissaminnut akiliisinneqartalersinnaanissaannik isumaliutersuutit qanoq itisilersinnaavigit?
3. Inuit namminneq akiliutissaat qanoq annertussusilerneqassappat, qanorlu naatsorsorneqassappat?
(Inatsisartunut ilaasortaq, Asii Chemnitz Narup)

Tungavilersuutit:

”Nunarput Ullumi” KNR-ikkut ualilluinnarnartoq aallakaatinneqarmat Naalackersuisut siulittaasuata apersorneqarluni, kræftimik nappaateqalersimasunut katsorsartinnissamut inuiaqatigiinnit neqerootutigineqartartut amigarnerarlugit unnerpai.

Illua tungaatigut Naalackersuisut siulittaasuata oqaatigaa aningaasat aporfiusariaqanngitsut - inuit pineqarmata. Illua tungaatigullu isumaliutigineqarsinnaanerarpaa inuit nammineq pisuussutigalugu nappaateqalersimasut katsorsartinnissaminnut akiliuteqartinneqartalersinnaasut. Innuttaasut sunik nappaateqarnersut apeqqutaalluni katsorsartinnissamut periarfissanik immikkoortitsilluni peqqinnis-saqarfik kiffartuussisalissappat tamanna akuersarneqarsinnaanngilaq. Naalackersuinikkut siuttut inuiaqatigiinnut piaartumik itisiliinissaat pisariaqarluinnarpoq.